

中医古籍珍稀抄本精选

幼科惊搐门

清·楼拥千 辑

孙孝忠 点校

宋立人 审订

中医古籍珍稀抄本精选

主 审 段逸山 吉文辉

副主审 (按姓氏笔画为序)

王大妹 宋立人

张如青 陈 熠

审 订 李其忠 李 飞

吴九伟 招萼华

金芷君 潘朝曦

前 言

中医药抄本是中国传统文化中颇有价值的遗产,蕴含着历代医家诸多精辟的学术理论与丰富的临证经验,是中医药古籍整理研究的一个重要方面。尤其是其中的临床各科与医案部分,每每具有独到的理论启迪与临床见解,有助于拓展治疗的思路,丰富治疗的方法,具有深入整理研究的价值。

《中医图书联合目录》收录全国 113 个图书馆截至 1980 年底为止的馆藏中医药图书,其中中华人民共和国成立前出版的中文中医药图书,共计 12 124 种。内有中医药抄本 5 083 种。其中未刻抄本 3 924 种,已属孤本的有 3 623 部;清末前抄本 1 288 种,其中未刻抄本 923 种,已属孤本的有 818 部。内容涉及医经、医案、诊法、方药、综合与临床各科类。其中临证各科的抄本多达 2 118 种,其次为方书、医案类抄本。从馆藏抄本品种的数量来说,中国中医研究院图书馆与上海中医药大学图书馆收藏量最多,分别为 1 229 种与 1 045 种,合计为 2 274 种,占总量的 45%。

对抄本进行系统整理研究,是一项巨大的工程,摆在研究者面前的困难重重。具体表现为:目前没有一部书目能完整全面地反映现存抄本的情况;抄本数量庞大,分散各处,难于收集整理;从几千种抄本中进行筛选,既费时耗力,又须具有识别能力;抄本为手写体文字,字体多不规范,异体字、俗体字、讹误字甚多,再加抄写时日既久,字体有的磨灭,难以辨识,因而要求研究者不仅具有中医药等方面知识,还要善于辨识各种字体,并须依据上下文意与相关著作加以酌定;提要的一个重要内容是介绍作者,而很多作者因无传世著作,其生平难以了解,须借助相关工具书查寻。唯其如此,对于中医药抄本这一部分遗产,尤其是世上目前仅存一部的珍贵抄本,长期以来乏人问津,未见有人加以系统整理,因而至今仍是迷雾一团,不知底细。随着时间的迁移,因人为与自然的原因,中医药抄本损失惨重,从现存清末前未刻抄本的数量已远少于清末后未刻抄本的状况,便可见一斑。因此,对中医药抄本进行整理研究,不仅具有保存中医古籍精华、弘扬中医学术、促进临床发展的作用,而且具有抢救祖国文化遗产的特殊意义。

据我们对抄本的初步研究,其内容体式大致可归纳为三类:第一类是类辑抄本,即按内容分类抄录前人的资料,如清代张璐《医通祖方》、朱时进《一见能医》等即是。此类抄本虽然属于编辑性质,但其有两

方面可取之处：一是将相关资料汇辑一处，给后人阅读使用提供了方便。二是所抄录的前代资料有的业已亡佚，凭此抄录而得以留传。第二类是评述抄本，即在抄录前人资料的基础上，加上个人的分析评述，如清代杨和《幼科折衷秘传真本》、方谟重订《薛氏济阴万金书》等即是。此类抄本汇集前代医家重要论述，间附作者的临证心得，分析评述往往一言中的，寓有真知灼见，有助于读者把握前代资料的精髓。第三类是心得抄本，即在医学理论上有着独到的见解，或在临证实践上有丰富的经验，如清代徐养恬《徐养恬方案》、江泽之《江泽之医案》等即是。此类抄本最具学术价值，是我们整理研究的主要对象，本套丛书所收录大多为此类抄本。

本套丛书共收录抄本五十余种，绝大多数为清代抄本，以临床各科类、医案类为主。入选的标准主要有三条：一是具有较高的学术价值与实用价值，在理论与实践上有独特的见解和经验；二是古代既无刻本，现代又无排印本、影印本；三是内容完整、版式清楚的善本。

上海中医药大学图书馆、南京中医药大学图书馆为本套丛书提供底本，谨致谢忱！上海科学技术出版社为传承发扬中国传统文化，编辑出版本套丛书，其眼力之非凡，气魄之恢弘，殊实令人感佩！

本套丛书的出版，旨在将沉埋多年的中医瑰宝呈

现给广大读者,以引起人们对中医古籍抄本的重视,并开展更为深入的研究。本套丛书主要为中医药专业工作者、中医药院校学生、古代文献与传统文化工作者及其爱好者阅读研究,也可供各地图书馆与相关专业图书馆收藏。

段逸山

二〇〇三年六月

凡 例

一、字体。统一使用简化字,不出现繁体字与异体字。

二、提要。置于正文之前。介绍作者与全书内容,注重其在理论与临床上的特点。

三、正文。按内容分段,并加标点符号。为便于分辨,属于眉批、夹注以及药物剂量、炮制方法用小号字排印。

四、校注。置于同页下方,按照正文所加序号依次分行排列。凡内容重要,且校勘有据者,选择采用本校、他校、理校等校勘方法。注释对象有二:一是注音。凡冷僻的难读字,采用拼音加直音的方法注音。二是释义。凡疑难词句,加以注释。校语与释文力求科学规范,简明扼要。凡明显错字或重复的内容,一律直接予以改正或删除,不再出注。

五、目录。为读者检阅方便起见,抄本原有目录的照录,补上序号;原目录与正文不一致者,则依照正文改正;原无目录的,依据正文补上序号与目录。

六、案序。为醒目易检,凡医案类抄本,每一病证所录医案,均用阿拉伯数字编排序次。

七、禁用药物。抄本中有些药物现属国家禁止使用的动、植、矿物药材,为保持古籍抄本原貌,本书对此均不作删改,仅供参考。

【提要】

《幼科惊搐门》是清代乾隆年间的手抄医书，现为南京中医药大学馆藏孤本。作者题为“越山楼拥千辑”。查《全国中医图书联合目录》及《中国医籍通考》（上海中医学院出版社），是书均不见载。按《南京中医药大学馆藏中医书目》5218条记：“《幼科惊搐门》，清代楼岩辑，清乾隆五十六年辛亥（1791年）抄本。”查《中国中医人名大辞典》（中医古籍出版社）楼岩条：“楼岩，字永千，清代浙江萧山县人。潜心于医术，所治有捷效，知名于乡里。著有《杂症辑要》、《幼科明辨》等书，未见刊行。【见《绍兴府志》】”拥千与永千音同；王绍典在叙中说：“《医学纲目》，乃祖遗书也。”《医学纲目》的著者是明代著名医家楼英，说明楼拥千是楼英的后人，而楼英正是浙江萧山人。越山之名，诸典虽未录（如《中国古今地名大辞典》及《汉语大词典》），萧山在古越地，越山疑即萧山；故此可证作者正是萧山的楼岩。

是书为儿科惊搐之专书，将惊搐一证分为本症、兼症、余症、类症4类，4类以下，别具细目，分类缜密，先论后方，方后附药，翔实允当，切合临床，于中可窥见作者临床经验之宏富与理论水平之渊博。书中亦有荒诞不经的迷信说法，如杀鬼丸之属，当然，这些观

点绝非楼氏独创,而是直接渊源于传统医学的经典认识,读者自当甄别是非。

叙

先生读书善得，间能通微理，析毫芒，靡不融彻。嫌稟质薄，甫弱冠，便求延年之术，笃志岐黄。《医学纲目》，乃祖遗书也。既熟复久，爰自诸名家外，及一知半解、成言备采者，不问简帙完缺，悉钩其元，辄多创获，名遂远近播，男妇大小诸科并精，日来就医以百十计。初不惮烦，亦不索一文钱，并好施舍，豫贮药石，不时需用，贫无资者，恣取给焉。然交游广，酬应不支，肩舆往迎，率怅然返。盖祝者十而诅者百，不能顺也。余于先生为姻旧，札邀再四，来或不果，私窃憾之。庚戌冬，余旧居停，延至武林，偶得畅叙，缘疏阔久，坐谈辄竟夕。却忆二十年来，终岁不得一覩面^①，颇未尽识先生之为人，至是乃始知——先生所得者，心学也。余亦遂有出世之想，学长生恐不能，愿得长不死。先生愀然曰：“不死安得长？夫人初生之日，即始死之年也。吾愿以所辑《幼科惊播门》一种，付梓布

① 覩面：见面。

施，作活命慈航何如？”余笑曰：“施送阴鹭文，只堪补壁。此安知不覆酱瓿乎？然先生自此不死矣！”

时乾隆辛亥夏日年家眷同学弟王绍典拜题

目 录

一、惊搐总括	1
搐有真假	1
搐有阴阳	2
搐有顺逆	3
治有次第	4
二、本症	5
急惊	5
慢惊	7
三、兼症	9
脐风发搐	9
月内发搐	9
变蒸发搐	10
惊恐发搐	11
外感发搐	12
内伤发搐	13
中暑发搐	14

霍乱发搐	15
吐泻发搐	16
痢疾发搐	17
疟疾发搐	18
疫病发搐	19
咳嗽发搐	19
丹毒发搐	20
疮疡发搐	21
痘疹发搐	22
麻疹发搐	22
四、余症	24
搐久舌黑	24
搐久便秘	25
搐久神昏有痰	25
搐时鼻衄	25
搐时失音	26
搐后失音	27
搐后目不明	27
搐后瞳斜	28
搐后睡眠不醒	28
搐后目动咬牙	28
搐后唇内生疮	29

搐后余热·····	29
搐后喘咳·····	29
搐后消瘦昏愤·····	30
搐后食少形瘦·····	31
搐后心神不宁·····	31
搐后虚肿·····	31
搐后瘫痪·····	32
搐后成痼·····	32
五、类症·····	38
天钩类搐·····	38
内钩类搐·····	39
痉瘲类搐·····	43
客忤类搐·····	50
中恶类搐·····	54
白虎类搐·····	57
虫痛类搐·····	58
马脾风类搐·····	59
六、附方·····	60
搐有真假门·····	60
搐有阴阳门·····	60
治有次第门·····	62
搐有顺逆门·····	64

急惊门	65
慢惊门	65
月内发搐门	68
变蒸发搐门	68
闻非常之声惊恐发搐门	69
外感发搐门	69
内伤发搐门	71
中暑发搐门	72
吐泻发搐门	73
痢疾发搐门	74
疟疾发搐门	74
疫病发搐门	75
咳嗽发搐门	75
丹毒发搐门	77
痘疹发搐门	78
麻疹发搐门	79
搐久舌黑门	79
搐久便秘门	79
搐后睡眠不醒门	80
搐后自动咬牙门	80
搐后唇内生疮门	81
搐后余热门	81

搐后喘咳门·····	82
搐后心神不宁门·····	82
痉类搐门·····	82

一、惊 搐 总 括

惊搐一也，而症不一，有本症，有兼症，有余症，有类症。症之弗辨，而混以施治，鲜不误矣。欲其治之无误，在于辨之必明：孰为真，孰为假，孰为阴，孰为阳，孰为顺，孰为逆。真假判焉，阴阳分焉，顺逆见焉。夫然后症之不一者，或易治，或难治，而自非不治，皆可得而次第施治矣。辑惊搐总括。

搐 有 真 假

搐有真假，此乃钱氏论百日内发搐之症也。真者不过二三次必死，假者频发不为重。真者内生惊痼，假者外生风冷。盖由血气未实，不能胜任以致发搐。真搐不治。其口中气出热者，假搐也，治宜发散，泻青丸去大黄，加天麻、全蝎。

搐有阴阳

搐有阴阳。肝主风，木也，飘骤急疾，莫甚于风。心主惊，火也，暴烈飞扬，莫甚于火。惊与风固有辨，而火与木则皆阳，故病在心肝。火资风势，风资火威，风火相煽而发搐者，谓之急而属阳也。脾胃者，土也，沉重迟滞，莫甚于土。而脾土为至阴之属，故病在于脾而发搐者，谓之慢而属阴也。肝常有余，有余则泻而损之；脾常不足，不足则补而益之。

按钱氏云：病潮热，寅、卯、辰时发搐，身壮热，目上视，手足动摇，口内生热涎，项颈强急，此肝旺也。洁古云：潮热于寅、卯、辰时，是木旺之位。当先补肾水以制心火，地黄丸；泻肝以止其搐，泻青丸。

因潮热，巳、午、未时发搐，心神惊悸，目上视，白睛赤色，牙关紧急，口内潮涎，此心旺也。洁古云：巳、午、未时，火旺之位。而热搐者，心热也。宜导赤散、凉惊丸或木通散，以泻心肝之火，后以地黄丸补之。

因潮热，申、酉、戌时不甚搐而喘，目微

斜视，身体似热（一云身热如火），睡露睛，手足冷，大便淡黄水，是肺旺也。洁古云：申、酉、戌时，金旺之位，而肝木强，法当补脾。恐被木之贼所克害，当泻心肝以控其势，而后补肺。泻心肝，宜木通散；补脾，宜钱氏异功散；治肺，小阿胶散。

因潮热，发搐在亥、子、丑时者，此肾用事之时也。不甚搐而卧不稳，身体温壮，目睛紧斜视，喉中有痰，大便银褐色，乳食不消，多睡不醒。洁古云：皆因大病之后，脾胃虚损，多有此疾。故宜补脾凉心：补脾，异功散；凉心，凉惊丸。

夫寅、卯、辰、巳、午、未，阳之位也；申、酉、戌、亥、子、丑，阴之位也。钱氏、洁古以晨夕分阴阳，而证治因之，故心肝之搐多凉泻，脾虚之搐多温补也。

搐有顺逆

搐有顺逆。男搐左视左，女搐右视右；男眼上窜，女眼下窜；男握拇指出外，女握拇指入里；男引手挽左直右曲，女引手挽右直左曲——凡

此皆顺，反此则逆。亦有先搐左而后双者。但搐顺则无声，搐逆则有声。其指纹弯弓，入里者顺，反外者逆，出入相半者难痊。又阳病阴脉，阴病阳脉，亦为反。其证不顺者，《活幼心书》顺搐散可取用之。

治 有 次 第

治有次第。方其热盛之时，腮红面赤，两目如怒，直视不转者，即急惊之先兆也。宜当归龙荟丸，或导赤散加灯心、薄荷，以去其热；次服抱龙丸以安其神，则风自不作矣。如吐泻不止之时见摇头斜视，以手抹人，昏睡喜卧，额上多汗，其脉沉细，即是慢惊之候——若待已发，则难为力——调元汤加肉桂主之；或用参苓白术散以补脾，琥珀抱龙丸去枳壳、枳实，加黄芪以平肝，则慢惊风不作矣。此其候宜预防者也。至于卒然昏绝、牙关紧急之时，轻者可用掐法以醒之，重者用嚏惊散，吹鼻中嚏出。如不出，则用霹雳散，或灸中冲穴，必醒；不嚏不醒，不可治也。次用开辟散擦牙，涎出自开，然后用药。若慢惊，则急灸百会穴。法详本症。

二、本 症

看是惊症，混以惊治，与看似惊症，误以惊治，其害人一也。故必明乎其为本症，而后可以治惊。急惊慢惊，其本症也。乃以治慢者治急，以治急者治慢，其害人将每同，则虽本症中亦有辨。辑本症。

急 惊

急惊之候，壮热痰壅，窜视反张，搐搦颤动，牙关紧急，口中气热，颊赤唇红，便结饮冷，脉洪而数。此肝风甚，而心火从之。木生火从前来者为实邪。实则泻之，宜泻青丸以泻肝之风，导赤散以泻心之火，此治急惊无上之法也。

此症由小儿内蓄实热，失于清利，热极生风。故不待闻声及惊，亦自发搐，即东垣所谓“气动惊”。大忌防风丸，治风以辛散之药必不救。盖外来之风可散，内热之风不可散也。与闻大声或大惊而发搐者，有内因外因之别，幼科

混同立论，今揭而出之。治详兼症。

凡急惊抽搐，听其自发自止，切不可令人紧抱束系之，恐他日有痼疾，以其气不流通故也。

凡急惊发时，牙关紧闭不醒者，急用艾炷灸两手大指头少商穴，在甲旁合而灸之即醒，而后施治法。

凡急惊痰气喘急，用定喘汤加竹沥治之。

凡急惊痰在咽喉之中，壅塞沾滞，药食不得入者，宜吐而出之，此“在上越之”之治法也。

急惊手撮目闭，口张凶陷，鱼口气促，吐沫喷药，昏睡不语不啼，口噤绝不饮食，遗尿遗屎，面赤如朱，皆不治之证。

灸法 先以两手两大指相合于甲缝中处，烧三壮；又以两手中指相合于甲侧缝中处，烧一二壮。即醒者可治，不知痛者不治。

又法 凡小儿惊风、中恶、客忤，以及痰闭、火闭、风闭，乍然卒死，即以大指掐其人中穴，病轻者一掐即啼哭而醒；倘不应，掐合谷；又不相应，掐中冲；若又不相应，其病至重，以艾炷如萝卜子大，于中冲穴灸之，火到即活。盖中冲一穴，为厥阴心包络之脉所出，其经与少阴心脏相通。

此火一燃，则心中惕然而觉。其不知痛者，百不救一。

吐法 用僵蚕、牙皂炙焦，等分，碾细末。每服少许，以土牛膝根自然汁灌之即吐。吐后进下辰砂膏效。或但用土牛膝根取自然汁灌之，其涎自吐。

辰砂膏 下痰甚妙。

辰砂研细，水飞，三钱 硼砂 马牙硝各钱半
元明粉二钱 全蝎酒洗去毒 珍珠各一钱 麝一字，
即二分半

各为极细末，合匀，用油单纸包起，自然成膏。每用一粒许。治诸惊，薄荷汤下；胎惊，乳汁调枣汤下。

定喘汤 治急惊痰气喘急。

南星制 栀子仁炒 石膏 杏仁泥 薄荷
赤苓

水煎，入竹沥服之。

慢 惊

慢惊之候，多由吐泻。因致气微神缓，昏睡露睛，痰鸣气促，惊跳搐搦，或乍发乍静，或

身凉，或身热，或肢体逆冷，或眉唇青赤，面色淡白，其脉迟缓，或见细数，此脾土败肝木乘之，故慢惊为难治也。宜速救真元，调元汤加肉桂，大剂频服之，此东垣之神方，诚治慢惊之秘法也。

小儿慢惊多因病后，或因吐泻，或因误服药饵，损伤脾胃所致。然亦有脾胃素弱，或受风寒，则不必病后及误药者，总属脾胃虚寒之症。故张氏云：治慢惊之法，但当速培元气，即有风痰之类，皆非实邪，不得妄行消散，再伤阳气以致不救。

凡慢惊，脾土微虚，微泻而内不寒者，可平补之，宜六神散、四君子汤或五味异功散。

脾肾俱虚而脏平无寒者，宜五福饮。又阴血生于脾土，宜四君子汤加当归、枣仁。

脾气阳虚而寒者，宜理中汤。痰多者，六君子汤加炮姜。脾肾阴阳俱虚而寒者，唯理阴煎为最妙。

脾肾虚寒之极，或吐泻不止者，宜附子理阴煎。再甚者宜六味回阳饮，或四味回阳饮，量儿大小与之。

脾肾虚寒泄泻不止者，宜胃关煎。

凡慢惊元气亏损，而至昏愦者，急灸百会穴。若待下痰不愈而后灸之，则元气脱散而不救矣。

三、兼 症

兼症者，因他症而发为惊症，或因他症之失治而转为惊症也。惊只急、慢两症耳，而症之兼者未易一二数。于是有症既兼，治亦宜兼；于是有症虽兼，治不必兼，致不同矣。辑兼症。

幼
科
惊
搐
门

脐 风 发 搐

甫出胎七日前，啼哭不止，口啞不乳，甚则发为风搐，名曰脐风。此胎毒也，不治。详脐风门。

月 内 发 搐

儿在腹中，妊妇调养乖常。或因忿怒，或缘

惊扑，或挟风邪，以致有伤于胎。自七日后及一月内，即病发搐者，此胎惊也。其症壮热翻眼，握拳咬牙，身腰强直，涎潮呕吐，搐掣惊啼，腮缩凶开，或颊赤，或面赤，或眼合（凡胎惊眼合，不可误作慢惊，妄用温药）。视其眉间气色，黯而青黑者不治，赤而鲜碧者可治；虎口指纹反出外者不治，曲入里者可治。以至圣保命丹，金银灯心汤下东垣安神丸。又方取猪乳，细研辰砂、牛黄、麝，各少许，调抹口中，其效如神。搐不止者，是谓胎痲不治。

变 蒸 发 搐

此亦胎病。其逢蒸期，热甚发搐者，只用导赤散、泻青丸，治之效。若每逢蒸期作搐者，病自内生，不急治必成痲疾，宜秘传三圣散，频频细与服之，以不发为度。

三圣散

白滑石^飞，两半 甘草二钱半

和匀作三份：一份用青黛一钱和匀，名安魂散，早用淡竹叶汤下；一份用朱砂^飞，一钱和匀，名镇心散，午用灯心汤下；一份用苦梗研细末和

匀，名定魄散，晚用苏叶汤下。

惊 恐 发 搐

小儿元气素实，痰热客于心间，因闻非常之声，见异类之物，或争斗推跌，致惊其神，痰壅气逆，遂成惊搐，即东垣所谓外物惊也，其症发过即如常。若无他症，或一日一发，或间日一发，宜先以理痰丸顺气开痰，后用安神丸调之。

有元气本不足，因大惊卒恐，致伤神志，精神愤乱而发搐者，以收复神气为主。张景岳曰：“小儿忽被大惊，最伤心胆之气。”《内经·口问篇》曰：“大惊卒恐，则气血分离，阴阳破散，经络厥绝，脉道不通，阴阳相逆，经脉空虚，血气不次，乃失其常。”此《内经》概言受惊之病有如此，矧小儿气血，尤非大人之比。若大惊卒恐，则其神气失散，愤乱不堪，尚何实邪之有？斯时也，收复正气，尤恐不暇，顾可复为清散邪？即如朱砂、琥珀之类，不过取其镇坠之意，亦非救本之法。今幼科诸书，皆以大惊之证，例作急惊，误亦甚矣！不知急惊由于风热，慢惊由于脾肾之虚，皆不由惊而得。而此以大惊致困者，本乎心

胆受伤、神气陡离之病，收复神气为主，宜秘旨安神丸、团参散、独参汤之类，加金银等物煎服之。

秘旨安神丸 原治心血虚而睡中惊惕，并治大惊卒恐。

人参 枣仁 白茯神 半夏各一钱 当归
白芍 橘红各七分 五味子七粒

上为细末，蜜丸芡实大，每服一丸，生姜汤化下。

团参散 治心虚血热，自汗盗汗，并治大惊卒恐。

人参 当归等分

为细末。用猪心一个，切作三片。每以药末一钱，用猪心一片，煎汤调服。

独参汤 治气虚气脱，神散魂离，以此亟救，“元阳草还丹”之名，诚不愧也。

人参不拘多少，同炒米、煨姜、红枣浓煎汤，徐徐服之，实有起死回生之力。

外感发搐

外感风寒，失于发散，热盛发搐者，其症发

过略醒，须臾复发。先用导赤散吞下泻青丸，以清心肝之热，后以抱龙丸治痰，保命丹除风，缓缓调之。大忌脑、麝、金石镇坠之药，引邪深入脏腑，千中千死。

钱氏云：“伤风发搐，因伤风后得之，口中气出热，呵欠顿闷，手足动摇，大青膏主之。小儿生来怯弱者，多此病也。”洁古云：“证同大人伤风寒痰疾之类，当辨有汗无汗，阴症用大青膏，阳症用小续命汤，开发则愈也。”

内伤发搐

内伤饮食，失于消导，热甚发搐者，其症发过略醒，醒多啼哭，须臾复发，不思乳食。先用陈皮麦芽汤吞下五色丸，或三黄枳术丸，推去宿食，则痰自除；复用辰砂五苓散，或抱龙丸调之。钱氏云：“伤食发搐，因伤饮食后得之，身体温，多睡，多睡，或吐，不思乳食而发搐，当先定其搐，搐退，白饼子下之，后服安神丸。”洁古云：“伤食发搐，谓不因他症，忽然而搐者，由饮食过度，致伤脾胃，故儿多吐多睡，不思乳食。脾胃既虚，引动肝风则发搐。当先定其搐，如羌活、

防风煎汤下泻青丸，后用白饼子下其食，渐渐用调中丸、异功散养其气。”

凡治急惊风，除伤食一症外，不可遽用下药，必先问其大小便何如。若小便清，大便通利，其邪在表，只用导赤散加防风，或泻青丸去大黄，加全蝎作汤服之，邪去风自退，后以辰砂五苓散调之。不可犯麝香，恐引邪入里。若小便赤涩，大便闭结，此邪在里，可用五色丸渐渐下之，或三黄枳术丸，及胆导法。不可用巴豆及温热药大下之，恐搔虚热不消也。如大便润者，虽有食亦忌下，先用辰砂五苓散，或琥珀抱龙丸定其搔，后以消食药调之。

三黄枳术丸

黄芩二钱 川连酒洗 大黄酒煨 神曲炒
陈皮 白术各一钱 枳实五分
为末，汤浸蒸饼丸，百沸汤下。

中暑发搐

中暑惟夏秋有之。其症初起，身热自汗，面垢，唇舌皆赤，气出如火，口中大渴，大小便赤涩，热伤神气，烦躁不安，忽焉昏不知人，反张搐

搦，其脉则沉细而数，此为暑风。由烦躁过甚，血不荣筋所致，不可作风治，宜清暑凉心，下痰安神，却暑丹主之。

有夏月卒倒，角弓反张，不省人事，手足搐搦，亦有不搐搦者，宜黄连香茹饮，加羌活一钱灌服。虚人多汗，再加黄芪、人参各一钱。又法治夏月卒倒，不省人事，先用吐法，即《内经》“火郁发之”之义。吐醒后方可用清暑之剂调之。其虚而不可吐者，则清暑，用黄连香茹饮增减，或辰砂益元散。亦有挟食挟气而致者，更宜详审。小儿多惊痰与食滞，当以脉证为主，惟脉虚者方可作暑治。

却暑丹

五苓散一两 黄连末 甘草末。各二钱 朱砂飞，一钱半

和匀，蜜丸如芡实大。每服一丸，麦冬汤煎下。

霍乱发搐

干霍乱，其病在胃，神气变乱，心腹绞痛，不吐不泻，邪上下不得出，所以气逆痰聚而发搐。

死在须臾，真恶候也。速宜瓜蒂散，或淡盐汤探吐之，俟其吐后，乃用藿香正气散以和其胃气。

即绞肠痧也。其症忽然心腹绞痛，不可忍，上不得吐，下不得泻，痰壅腹胀，手足厥冷，六脉沉细或伏，不急治之必死。若见喘而搐者，法在不治。

吐法 用瓜蒂、猪牙皂、朱砂共为末，每少许，以淡豆豉汤服之即吐。

藿香正气散

藿香 紫苏 白芷各一钱 厚朴 白术
广皮去白 桔梗 半夏各四分 茯苓 炙草各一钱
加枳实六分，为细末。姜汁调下。

吐 泻 发 搐

有先病吐泻后发搐者，因吐泻不止，脾虚生风，乃慢惊也，宜参苓白术散主之。如吐泻未止，又加发搐者，宜参苓白术散加肉果霜作丸服。如先发搐后吐泻者，因病时多服利惊之药，脾胃受伤所致，宜补涩之，方同上。

按此，须准较阴阳亏盛，浅深若何。如脾虚而内不寒者，可平补之，调元汤加芍药，或参苓

白朮散、四君子汤、五味异功散选用。若遍身、四肢、口鼻俱冷，手足微掣，昏睡露睛者，宜速救真元，以免竭脱，调元汤合小建中汤，大剂频服之，或六君子汤加姜、桂，理中汤加附子亦可。若脾胃伏热，身热大渴，吐泻数次，即发搐搦者，此症夏月最多。屡见时医率用脑麝丸丹，作惊风治，竟致不救。法当兼清暑热，用参、朮、芍药以补脾中气血，麦冬、黄连以清金制木，或辰砂益元散，或黄连香茹饮，增减治之自愈。

痢疾发搐

有痢未止而发搐者，因误服辛热止涩之剂，致积毒内郁而热甚，故发搐也。宜泻青丸加黄芩、黄连，蜜丸，甘草汤下。其痢止后发搐者，作脾虚治，东垣调元汤加白芍主之。若搐后变痢，是因风邪伤脾入里，故便脓血也，先用小柴胡汤加大黄下之，后以加减龙荟丸调之。

加减龙荟丸

当归 川芎 广皮 青皮各一钱 黄连酒炒
黄芩酒炒。各钱半 山梔 木香各五分 人参 炙
草各一钱

为末。另用阿胶三钱，溶化作丸，陈米汤下。

疟疾发搐

每日热时发搐，疟止搐止者，此不必治搐，但治其疟，疟止则搐自止。初起宜用劫药：风疟，小柴胡汤；暑疟，白虎汤；食疟，平胃散；痰疟，用槟榔吐出其痰即愈。久疟，宜补脾平肝，加减平疟养脾丸主之。先搐后疟者，此肝传脾也，宜养脾丸；先疟后搐者，此脾虚生风也，治同慢惊。

陈氏云：“按《内经》谓‘十二经皆有疟’。究其所因，大要不离乎少阳胆经。夫疟之不离乎少阳，犹咳嗽之不离乎肺也。盖凡寒热往来，总为少阳所主，早能和解表里，分理阴阳，则疟邪霍然而散。由其误认为惊风，轻施镇坠，以致邪正激搏，营卫迟留，阳欲入里，阴内阻之，阴欲出表，阳外遏之，少阳欲升不得升，太阴欲降不能降，乃致神情愤乱，临疟而搐，宜清脾饮解之，其搐自止。”

平疟养脾丸

黄芪 人参各一钱 白术 当归 白茯苓
 半夏曲 黄芩 广皮 常山 鳖甲醋炙 使君
 肉 柴胡 草果 厚朴 神曲炒。各七分 肉桂
 五分 青皮六分 炙草五分
 神曲糊丸。陈米汤下。

疫 病 发 搐

凡遇地方疫病流行之时，小儿作热，即是时疫。乍有眼目上窜，角弓反张，手足搐掣，不可误认惊风，但以时疫治之自愈，宜服太极丸。

郑奠一云：“小儿受时疫，悉与大人同。而时见惊搐，类于惊风，误治多死。用大人治疫清解诸法，减小剂料治之。小儿不能言，遇当下证，既不知其谵妄，复难验其舌苔，则当察其唇之赤而燥，即是下症。此幼科之要诀也。”

咳 嗽 发 搐

此其病在肝肺，亦当视其新久衰旺若何。

如初得咳嗽时，痰盛气逆，连声不止而发搐者，宜丹溪薄荷汤，或葶苈丸，苏叶汤下，利去其痰，咳止搐亦止矣。惟久嗽发搐，面青而光，唇白如练，咳而喘促，此肺虚而肝木乘之也，病不可治。如无上证，身热而渴，宜小阿胶散。或搐甚者，宜先补肺后泻肝。补肺，阿胶散；泻肝，泻青丸。如搐后咳嗽，非惊痰未去，即风邪入肺也。惊痰未去，丹溪镇惊丸；风邪入肺，人参荆芥散再发之。

丹毒发搐

此其病在少阳。先发丹后发搐者，毒自外入内也，不治。先发搐后发丹者，毒自内出外也，可治。内服防风升麻汤，或加减升麻葛根汤、大连翘饮，外用砭法。

陈氏云：“丹毒虽云风热，而由胎毒之发者十之八九，小儿最多，方脉无此。世有丹毒发而不知者，盖此毒发于隐密之处，倘父母不觉，遂致伤儿。大凡小儿头面、四肢、胸背腠腋，忽有红晕一点，渐次散开，色如锦纹，外带黄色，即是火丹。速宜砭去恶血，内服沆漈

丹，庶不至内攻作搐。若医者不知针砭，妄用搽敷逼毒入内，致作搐而死，每见丹毒之祸儿者比比矣。

加减升麻葛根汤

升麻 葛根 桔梗 川芎 赤芍 归尾
羌活 柴胡 甘草

各等分，井水煎服。此惊丹之要药也。

疮 疡 发 搐

此胎毒也。由医者不先内托解毒，误用砒霜毒药搽之，逼毒入内，以致疮忽自平。亦有不因搽药，毒自陷入而平者，其症腹胀便秘，肤无血色，目闭不开，发为搐搦，乃恶候也。速服雄黄解毒丸，升麻汤下。疮出则吉，疮不出加喘者死。

凡小儿未周岁，不问痈毒、疮疥、丹瘤，但发搐者皆难治。因脾胃脆嫩，谷气未实，难以药攻也。

雄黄解毒丸

雄黄另研 郁金各一两 巴豆去油炒焦，八钱
乳香 没药另研。各二钱

各制为末，醋糊丸，朱砂为衣。此方治诸恶病甚妙。

痘疹发搐

此其病在心。初起三四日间，热盛发搐，乃常候也。宜导赤散加辰砂调服，痘出则吉。屡搐者凶。痘正发时作搐者，钱氏凉惊丸加辰砂主之。搐不止者不治。收靥后作搐，此痘毒倒陷，雄黄解毒丸，紫草汤下。复出者吉，搐不止者凶。

痘禀先天胎元之毒，遇时行而发。其证初起，两眼含泪珠如水晶，鼻气出粗，睡中惊惕，两耳纹现，恶热不恶寒，是谓痘症。详本门宜考。

麻疹发搐

此非比杂症，或喉中无痰，未为真搐。当分时论吉凶，如见于发出未尽之时，俱属无害，不可称为惊风，而用风药。治宜疏托，少加清凉，使疹出尽，惊惕自释。若见于已出没之后，身热不除而作搐者，斯为险候，宜导赤散加人参、麦

冬,送安神丸。或清上焦之火与痰,并利小便亦佳。小便清者可治,短少者不可治。

导赤散

生地半钱 木通十钱 人参 麦冬各一钱
甘草五分 竹叶三十片
水煎服。

安神丸

川连 当归 麦冬 茯神 甘草各五钱
辰砂一两 冰片二分半
上为细末,蒸饼和猪心血捣匀,为丸米粟大。每服十丸。

当归养营汤 治疹后浑身壮热,未至羸瘦,但多搐搦,烦躁不宁。是热在心脾二经也。此方与黄连安神丸,间而服之,无不效者。

当归 川芎 生地 麦冬 梔子 木通
甘草 淡竹叶 灯心
便秘加大黄。水煎服。

黄连安神丸

川连 当归 龙胆草各二钱 石菖蒲 茯神各一钱 全虫五只

上为末,蒸饼捣猪心血,丸如粟米大,辰砂为衣。每服十丸,灯心汤下。

加味四物汤 治疹后时发壮热,烦躁不宁,搐搦惊悸,神昏志乱者。此阴血耗散,余毒入肝而传于心也,用此养血安神。

当归 川芎 地黄 芍药 麦冬 枣仁
茯神 石菖蒲 龙胆草 黄连 甘草 辰砂
竹叶 灯心

水煎服。或为末,猪心血蒸饼丸服。

四、余 症

搐搦大势,虽云稍解,而兼夹杂症,尚弗尽除,将必支蔓难图,实乃本根未拔也。斯更宜条分缕析,有要有伦。夫是以原始要终,其难其慎,深惧养虎,敢惮画蛇,辑余症。

搐久舌黑

搐久不止舌黑者,热极也。内服凉惊丸,外用生薄荷煎汤洗之。转红者吉,仍黑者凶。

搐久便秘

搐久不止，大小便秘者，八正散主之。如大便只四五日不通，不可遽用利药，宜猪胆汁导法通之。

搐久神昏有痰

儿病日久，其搐似止不止，神昏有痰者，此病在心，不早治，必成痼症，利惊丸主之。

利惊丸

胆草 防风 真青黛 芦荟 胆星 钩藤
各二钱 铁华粉 牙硝各一钱 朱砂飞，一钱 脑麝少许

为末，蜜丸芡实大。每服一丸，金银煎汤下。

搐时鼻衄

搐时鼻衄不止者，此心肝二经之火乘肺也。宜泻二经之火，朱砂凉惊丸主之。

凡急惊鼻衄者，乃阳明经中热壅将散，从血而解也，易治。若口中吐血者，乃心血为热迫妄行也，难治。宜犀角汤加滑石、丹皮、黄连、栀子。

朱砂凉惊丸

黄芩 黄连 山梔 连翘 桔梗 甘草

人参各等分 薄荷

水飞朱砂为衣，蜜丸芡实大。麦冬汤下。

犀角汤

犀角 防风 木通 甘草 桑白皮 茯苓

各等分

水煎服。

搐时失音

搐时失音者，木通汤主之。

木通汤

木通 石菖蒲 防风 桔梗 真桑螵蛸

全蝎焙 炙草 僵蚕各二钱半 胆星一钱

共为末。每服二字，紫苏三片，煎汤调服。

搐后失音

此因痰入心肺窍中故也。不早治必成瘖人，宜加减钱氏安神丸主之。

搐后失音，亦有肾怯，不能上接于阳。瘖不能言者，其候肢体羸瘦，目白睛多，或兼解颅、呵欠、咬牙等证，宜六味地黄丸加巴戟、远志、石菖蒲等药。

加减钱氏安神丸

黄芪炙 人参 归身 川芎 麦冬去心
石菖蒲 木通 炙草 远志去心，姜汁浸，各一钱
寒水石钱半

蜜丸芡实大。每服一丸，苏叶三片，煎汤下。每日取豮猪心连肺处，割一半，煎汤饮之，以助药力，久服神效。

又方 治痰迷心窍不语

芥菜，煎汤服，效。

搐后目不明

此肝虚也，地黄丸主之。

搐后瞳斜

搐后瞳斜不正者，宜人参、阿胶（糯米炒）各一钱，水一盞，煎七分，温服，愈乃止。

搐后睡眠不醒

此心脾二经之邪热未尽也，安神丸主之。

搐后自动咬牙

此皆由病后津液枯燥，不能荣其筋脉所致，亦有肝经风热而生风者，当视其气血有余不足而治之。其日中发热饮冷而动者，气有余也，用泻青丸。夜间盗汗及睡不宁而动者，血不足也，用地黄丸。或因肝经风邪，传于脾肾，亦令咬牙，先用柴胡清肝散，次用五味异功散、六味地黄丸。若因脾胃虚热，用补中益气汤，加芍药、山栀。实热用泻黄散，盖牙床属手足阳明故也。若肝肾虚热，用六味地黄丸。

搐后唇内生疮

此心脾二经之热也。内服洗心散，外以柏连散加朱砂搽之神效。

搐后余热

余热不退，当辨虚实。如壮热、面赤、唇燥、大小便不利，此为实热，或因服补脾之药太早故也。宜凉惊丸，或小柴胡汤，加大黄微利之。如面皤白，唇润，大小便自调，此虚热也，宜清心丸。虚而寒者，四君子汤加炮姜。

清心丸

人参 麦冬 茯苓 柴胡 防风 炙草
朱砂飞

蜜丸芡实大，金箔为衣。每服一丸，淡竹叶汤下。

搐后喘咳

搐后发热喘咳者，亦宜察其虚实治之。如

身热饮水、鼻干唇燥、脉疾^①有力，此热在心肺，为实热，宜从小便利之，宁肺散。如面皤白，不热不渴，此虚热也，阿胶散主之。

宁肺散

桑白皮炒 葶苈炒 赤茯 车前 梔子等分

炙草 减半

姜枣煎。

搐后消瘦昏愤

搐后肌肤消瘦，精神昏愤者，此为惊疳也，安神丸主之。

安神丸

茯神去心 芦荟 琥珀 黄连 赤茯各三钱

胆星 远志 甘草汤煮洗 虾蟆灰 石菖蒲 使君肉各一钱

山药煮糊丸，灯心汤下。

^① 脉疾：原作“脉瘦”，脉诊中无“瘦脉”，据文义改为“脉疾”。

搐后食少形瘦

此宜补脾和中丸主之。

和中丸

钱氏异功散一两 青皮 砂仁 使君肉各一

钱

另取神曲作糊为丸，陈米汤下。

搐后心神不宁

搐后心神不宁者，宜定志丸。脾胃虚弱，参苓白术散最佳。

搐后虚肿

由搐后血气尚虚，热在皮肤，身面俱肿，宜萎蕤、葵子、龙胆草、茯苓、前胡各等分为末，每服一钱，水煎服。

搐后瘫痪

此左氏所谓“风淫末疾”是也。肝主筋，肝热则筋弛而长，长则软弱，手足伸而不能屈矣。肝寒则筋缩而短，短则拘挛，手足屈而不能伸矣，并宜六味地黄丸主之。拘挛者，加附子、肉桂。软弱者，加知母、黄柏、当归、牛膝、续断，蜜丸服。治法又详痲后痲症条

搐后成痲

痲者，痲疾，非暴病也。由小儿血脉不敛，骨气不聚，为风邪所伤，惊怪所触，乳食失节，停痰结癖而得之。其症卒然仆地，四肢强直，目闭或眼珠翻上不转，口噤或有咬其舌者，口中涎出，或无涎者，面色或青或白，或作六畜声，其状不一，乃小儿之恶候也（急慢惊不作声，不吐沫，与此不同）。昏晕一时，醒即如常，或旬日一发，或月一发，或岁一发。古人有“三痲”、“五痲”之名，又与急慢惊风同论，症治太多，讫无定说，遂使后学莫知适从。愚不自揣，约而断之。所谓

“三痼”，乃原其发病之因；所谓“五痼”，则叙其病发之状也。此则因妊娠时，七情惊怖，子感母气，生来便有是病者，名曰胎痼，不治。其由惊风既平之后，未服豁痰安神之药，以致痰迷心窍，顿成痼症者，则当论其新久虚实治之。如年尚未久，神志清明，动作如常者可治。至于语言含糊，状类痴呆，已无及矣。故宜治之于早。方初病搐时，便当服通窍、化痰、镇心之剂，以除其患。倘医者虑不及此，或其父母因儿发过便醒，任其淹延岁月，乃致顽痰胶固，为终身不治之症。每见有在水火而卒发者矣。凡痼症初起，耳后高骨必有青纹，纷纷如线，见之急为抓破，须令血出，可减其患。治痼之方，幼科所载甚多，几无^①可取者，惟断痼丸、通心丸、集成定痼丸、河车八味丸，诚治痼之要药也。

程氏云：“痼症虽有五脏之殊，而为痰涎则一，定痼丸主之。既愈之后，则用河车丸以断其根，此余频治取验者也。若妄意求奇，失之远矣。”

断痼丸 治诸痼屡验如神。惟从前攻伐太

① 几无：原作“无几”，据文言用语习惯改。

过致中气虚衰，或年深日远，肝肾已亏者忌用，宜用后二方。

辰砂研细末，水飞 **真珠**取新洁、未经钻缀者，乳浸三日，研粉极细。不细伤人脏腑 **上沉香**纸裹，置怀中，待燥，碾之，忌火 **铁华粉**研极细 **礞石**坚细、青黑，中有白星点。硝石、礞石等分打碎，拌匀，入坩锅煨至硝尽，石色如金为度。若无金星者，不入药。研末水飞 **甘遂**肉白，根作连珠，重实者良。用甘草汤、茺菀汁浸三日，其水如墨，以清为度，再面裹煨熟 **川连** **石菖蒲**一寸九节者良，去毛，微炒

陈胆星各六分 **茯苓**坚白，乳拌蒸，四钱

共为末。别以人参二钱、白术六钱，煎汤煮糊为丸，如芡实大。每用一丸，取豨猪心一个劈开入药在内，线扎，长流水，炙熟取药，研细，灯心汤下。以猪心及汤，与儿食之，三日一服。又宜常服通心丸，以通心气。

通心丸

辰砂研极细，水飞，四钱 **雄黄**赤如鸡冠、明彻不臭者，醋浸，入茺菀汁煮干，为极细末，水飞 **马牙硝**各一钱五分 **真麝香**五分 **金银箔**十五片 **拣人参**去芦 **川连**去毛，姜汁炒 **陈枳壳**麸炒。各二钱 **川芎** **茯苓**坚白，去皮，乳拌蒸。各四钱 **远志**甘草水浸一宿，去心，炒，二钱 **白附子**炮，二钱

前五味另研匀，后七味共为细末，和匀，蜜丸芡实大。每服一丸，麦冬汤下。此辰砂膏加减也。

集成定痼丸 治痼症从前攻伐太过，致中气虚衰，脾不运化，津液为痰。偶然有触，则昏晕卒倒，良久方醒。此不可见证治证。盖病深源固，但可徐图，惟以健脾补中为上，久服痰自不生，痼自不作矣。倘已年深日久，宜与河车八味丸间服，无不愈者。

官拣参一两，切片焙干 白术一两二钱，切片土炒
真广皮一两，酒炒 法半夏一两 石菖蒲五钱，取九节者切片 白当归一两，酒洗，晒切 青化桂五钱，去皮，薄桂不用 杭白芍一两，酒炒 白豆蔻一两，酒炒 漂苍术一两，用黑脂麻拌炒 南木香五钱，忌火 真龙齿一两，火煨，醋淬，研末，水飞过，晒干，取五钱 赤金箔三十张 镜面砂三钱，研，水飞，晒干

以上药，各依分两制过，共焙干，研细末，筛过，炼蜜为丸，龙眼核大，朱砂为衣，贴以金箔，晒干，瓷瓶收贮。每日早午晚各服一丸，姜汤化服。痼症未久者服此。倘系年深日久者，早服河车八味丸，午晚服此。无力备参者，不用亦可。

河车八味丸 治痼症年深日远,肝肾已亏,脾肺不足,心血耗散,证候不时举发。此证总归于虚,不可以为有余而攻逐之,致成不救。但以此丸早服,以救肝肾;前定痼丸午晚服,以宁心健脾生肺,则万举万全,真神治也。

紫河车一具,头生男者。用白矾煎汤,揉洗极净,姜汁同酒炙烂 大地黄三两,姜汁、砂仁同酒炙 净枣仁一两,炒干 粉丹皮五钱,酒炒 宣泽泻五钱,盐水炒干 嫩鹿茸二两,切片,炒干 白茯苓一两五钱,乳汁蒸晒 怀山药一两五钱,酒炒 川熟附七钱半,切,焙干 青化桂七钱半,去皮,研 北五味一两,炒干 大麦冬一两,去心,糯米拌炒

上药依法炮制,共焙极干,研细末,蜜丸龙眼核大。每早服一丸,用淡盐汤化下,以饮食压之;午及临卧,各用前定痼丸一服。

定痼丸 男女小儿痼症,并皆治之。凡癩狂症,亦有用此药而愈者。

天麻明 川贝去心 半夏姜制 茯神去皮木 茯苓去皮,蒸。各一两 丹参酒蒸 麦冬去心。各二两 胆星九制者 石菖蒲又杵碎取粉 全虫去尾,甘草水洗 僵蚕去嘴,甘草水洗,炒 真琥珀腐煮灯心,研。各五钱 远志去心,甘草水泡 陈皮去白。各七钱 辰砂细研,水

飞,三钱

用竹沥一小碗,姜汁一杯,再用甘草四两,熬膏,和药为丸弹子大,辰砂为衣。每服一丸,照痼分引下:犬痼(肺),杏仁五枚,煎汤化下;羊痼(肝),薄荷三分,煎汤化下;马痼(心),麦冬二钱,煎汤化下;牛痼(脾),大枣二枚,煎汤化下;猪痼(肾),黑料豆二钱,煎汤化下。日再服。本方内加人参三钱尤佳。

河车丸

紫河车一具 茯神 茯苓各一两 人参五钱

丹参七钱

炼蜜为丸。每早开水下三钱。

痼后瘫痪,其症手足拘挛强直,或软弱不能举动,目视不正,口中流涎,语言滞涩。不急治必成废人。法当视其在左在右。在左者为血虚,其治在肝。肝主筋,血虚故筋无所养,而拘挛强直,宜补肾,地黄丸为主,乃“虚则补其母”也。在右者为痰,其治在脾。脾主四肢,痰涎流注经络,故手足软弱而不能举动,宜补脾行痰,大补丸主之。

地黄丸

山药 萸肉 熟地各三钱 独活 川断酒洗

白茯苓 丹皮 泽泻各二钱

手不利加桂，足不利加牛膝，手足并不利俱加，各二钱。蜜丸，空心温酒下。此地黄丸加减法也。

大补丸

炙芪 人参 白术 白茯苓 炙草 当归
川芎 白芍酒炒 半夏 广皮各二钱 川乌炮，三分

酒糊丸，姜汤下。此十全大补汤加减法也。

五、类 症

证与惊风本属两歧，小儿得之，医者惑焉，概以惊治，十误八九矣。夫症有不类而类，治有类而不类，差若毫厘，谬以千里。故既知有本，以存其真；更虑相兼，以防其杂；不厌尽余，以穷其变；又复推类，以辨其似也。辑类症。

天 钓 类 搐

天钓者，发时头目仰视（《纲目》云：“天钓亦

惊风之症，但天钓发时，头目仰视，惊风则无也。”又云：“角弓反张者为痉，头目仰视者为天钓。”)壮热惊悸，眼目翻腾，泪出不流，手足抽掣，或啼或笑，喜怒不常，甚者爪甲皆青，如崇之状，此肝病也，但不睡卧耳。宜解利风邪，钩藤散主之。

钩藤散

钩藤 茯苓各五分 大黄泡，煨，二分半 防风
朱砂水飞 蝉蜕 羌活 独活 青皮 甘草各二分

为末，姜汤、蜜少许调服。此泻青丸加减也。

钩藤饮 治天钓潮热。

钩藤 人参 犀角屑各五分 天麻 全蝎
梢 炙草各二分半

为末，薄荷汤调服。

又方

猪乳 治小儿百日内天钓神效。

内 钓 类 搐

内钓者，腹痛多啼，唇黑囊肿，伛偻反张，眼

内有红筋斑血者是也。乃寒气壅结所致，其病在肝，但不昏困耳。先是内脏抽掣，极痛狂叫，或泄泻缩脚，内症一过，外症抽掣又来，内外交攻，极难调理（得进乳食者可治）。须分作两项用药：内钓，乳香膏、木香丸；外搐，钩藤丸或钩藤饮亦佳。

乳香膏

乳香去油，净，五分 上沉香一钱

为极细末，蜜丸梧桐子大。每服二丸，用石菖蒲、钩藤煎汤下。一方有没药、鸡子心、槟榔各一钱，蝎梢十四个。

木香丸

乳香去油 没药去油 全蝎各五分 钩藤
木香 舶上茴香各一钱

先将乳香、没药另研，次入诸药末，和毕，取大蒜少许，研细和丸梧桐子大。每服二丸，钩藤汤下，或酒下亦可。按，前二方治内钓之要药也。

钩藤丸

钩藤 白茯苓各五分 天麻 防风 蝉蜕
羌活 独活 青皮 朱砂 炙草各二分半

除朱砂，另研为末，水煎，调朱砂末服。

钩藤饮 治小儿脏寒夜啼，阴极作躁，此方

主之。惊啼加防风、天麻、蝉蜕。

钩藤 茯苓 茯神 当归 白芍 川芎
木香 甘草各一钱

为细末。每服一钱，姜枣略煎服。其或心
烦热而啼，必有脸红舌白，小便赤涩之证，去木
香，加朱砂末一钱，木通煎汤调下，或锉散煎服
亦可。

盘肠气者，痛则伛偻腰曲，干啼无泪，额上
有汗，是小肠为冷气所搏也。症与内钓相似，但
眼内无红筋斑血，囊不肿为异耳，宜用和平温气
之剂，金铃子散主之。若面色青白，口闭足冷，
下利青粪，乃寒而虚者也，宜当归散或沉香降气
汤。又，小肠有热，亦令腹痛啼叫，夜间益甚，其
面赤唇焦，小便不通或赤，小腹胀满者是也，当
用三黄丸，人参汤下。

金铃子散

金铃子 去皮核，用肉，二钱 舶上茴香 盐水炒
木香 各一钱

为细末。每服五分至一钱，酒调服。

当归散 治脏寒腹痛，面青手冷，夜啼不
乳。

当归 白芍 人参各一钱 炙草 桔梗

广皮去白。各五分

为细末。水煎半盏，时时少与服之。又有热痛亦啼叫不止，夜发面赤唇焦，小便黄赤，与三黄丸，人参汤下。

又 当归散 治寒邪入肾经，小腹急胀，面青手足冷者。

当归 木香 肉桂 人参 炙草各等分

上为细末。姜枣汤调服，枣丸亦可。一方加破故纸(炒)、小茴香(炒)。

沉香降气汤 治气不升降，胸膈痞塞，心腹胀满，喘促短气，干哕烦满，咳嗽痰涎，口中无味，嗜卧不食。

香附炒去毛，二两半 上沉香一钱 砂仁三钱

炙草一钱半

为细末。每服一钱，入盐少许，沸汤点，平旦空心服。

三黄丸

黄连 黄芩 黄柏等分

为细末，蜜丸。人参煎汤调下。

瘧 瘧 类 搐

夫发瘧之候，先伤于风，又感寒湿致之。此虚极生热，热极生风之甚者也。伤风发热，头痛汗出，又自呕逆，汗之必发瘧。湿家发汗稍多亦发瘧。此症项强直，腰背反张，摇头掣痲，口噤不语，发热腹痛不惺惺，其状可畏。病在足太阳经。刚瘧无汗，柔瘧有汗（角弓反张，一身强硬，发而终日不醒者，《内经》所谓“瘧病”也。以“瘧”作“瘧”，盖传写之误耳。瘧分刚柔，“瘧”与“瘧”固无分也）。其面红眼赤，无汗恶寒，痰涎壅盛，昏愤烦渴，小便赤涩，先谵语而发者，此刚瘧也。无汗当发汗。其大便滑泄，不语不渴，有汗而不恶寒，先手足冷而发者，此柔瘧也。有汗当解肌。并以如圣散加減，刚瘧加苍术、麻黄，或加葛根亦可；柔瘧加白术、桂枝；痰多加贝母、瓜蒌、枳实、紫苏子；火盛加山栀、麦冬、花粉，去川芎、柴胡、乌药、半夏、羌活、防风、白芷；如胸满、口噤咬牙、大便秘者，加大黄利之。其间一证，身体壮热，谵语口干，手足反微寒，大便反滑泄，此刚柔不分之症。无汗麻黄葛根汤，有汗桂

枝葛根汤。然后审其热轻者，败毒散；热重者，小柴胡汤解之；便利不渴，汗多厥逆者，理中汤加桂枝、芍药，痉最难痊，十救一二，过三日难治，请早图之。

喻嘉言云：“小儿体脆神怯，不耐外感，壮热多成痉病。后世多以惊风立名，有‘四证八候’之凿说，实则指痉病之头摇手动者，为惊风之抽掣；指痉病之卒口噤脚挛急者，为惊风之搐搦；指痉病之项背反张者，为惊风之角弓反张。幼科翕然宗之，病家坦然任之。不治外淫之邪，反投金石、脑、麝之药，千中千死而不悟也。”

陈氏云：“伤寒之来，岂初日便能变痉？由医者误治致之耳。盖邪自太阳而入，太阳之脉，上起于头，中行于背，下至于足，因其经脉受邪，营卫涩滞，头项背足，皆有痛楚牵强之象。幼科见此便诧为惊风，妄行镇坠，以致邪无所伸，而后乃变为痉。此际尚不知为误治所致，反谓小儿固有之证，此其所以为误中之误也。尝观夏初明治小儿作搐而死，以至三五日不醒者，悉用天保采薇汤投之而愈。其子禹铸广传其方，惜无一字发明，致后人莫知其义。余不辞饶舌，聊

为剖露。夫天保采薇汤乃败毒散、不换金正气散、升麻葛根汤三方合凑者也。其中作用，以羌活走太阳而祛寒发表，以苍、前、升、葛、陈、朴、甘、苓走阳明而除湿解肌，以芎、柴入少阳而和解表里，以桔、半、枳、藿、芍药入太阴而和营逐饮。或问既为三阳表药，何以辄及太阴？曰：小儿全藉脾肺为行药之主，此实扶中气以托邪，非引邪入里之谓也。然其中一十七味，并非五金、八石、三黄、四神，而能于死中求活者，岂疏解之药可以起死回生乎？由从前误以伤寒作惊治，未经发散，以致邪闭而死。今投疏解以生者，不过为从前补其缺失，岂有奇特深义哉。第此等治法，犹为末着，若早循经治疗，何至如是凶危。始效猎人之网罗四张，以庶儿一遇，苟见小儿发热昏沉，即为分别有汗无汗，有汗者解肌散邪，无汗者开通营卫，领邪外出，神志自清，又讵有闭塞昏迷之变耶？’

按前诸论，皆用伤寒家法治六淫外伤元气，形病有余之症也。若无外感，由于血虚筋无所营而成痉者，则当用陈无择、丹溪、刘宗厚、张子和、景岳诸家之法。庶表里详尽，无遗此失彼之患矣。

如圣散 治刚柔二痉^①。

羌活上 防风中 白芷中 柴胡中 芍药中
人参中 当归中 乌药中 黄芩中 甘草中 半
夏下 川芎中

上用水一盞，姜三片，煎一盞。入姜汁、竹沥温服(加减法见上)。

麻黄葛根汤 治刚痉^②无汗。

麻黄 葛根 赤芍各一两 豉半合 葱白三
茎

上锉散。每服二升，煎服。

按自得病以来，从未有汗者可用此方。若曾有汗过，则麻黄等剂，虽大人均在所忌。矧小儿肌肤薄，腠理疏，不胜发表，惟宜解肌。盖不若金匱瓜蒌桂枝汤为稳也。

金匱瓜蒌桂枝汤 治太阳头痛，发热，身体颈项俱强，无汗，为刚痉。此即先因伤风自汗，汗多衣湿，湿久寒生，反而入内，是谓重感寒湿，寒湿内闭，反令无汗，故见以前诸症，此营卫闭塞也。设不用此以通其营卫，则未痉者成痉，已

① 痉：原本作“症”，据文义改。

② 刚痉：原本作“刚症”，据文义改。

瘧者難愈矣。

瓜蒌根_{錢半} 桂枝_{一錢} 白芍_{錢半} 炙草_{一錢}
 生姜_{三片} 大紅棗_{三枚}

水煎熱服。營衛既和，微汗而解。

按，小兒發熱，身體頭項俱強，幼科誤為驚風，舍太陽陽明之邪不治，反攻其無過之心火肝風，致令外邪愈強，內氣愈弱，不至于死不止也。若早知為太陽陽明之病瘧，而用此方以開通營衛，則未瘧者不瘧，已瘧者可瘳矣。要之，小兒傷寒無汗者，不論已瘧未瘧，皆當以此方為主出入加減，斷無不效之理。余蓋頻用屢驗，非敢妄言以誤世也。

羚羊角散 治傷寒陽瘧身熱，無汗惡寒，頭項強直，四肢疼痛，煩躁心悸，睡臥不得。

羚羊角 犀角 防風 茯神 枳殼 人參
 麥冬 葛根 柴胡 熟石膏 炙草各七錢半 龍
 齒_{煨，二錢半}

上為細末。每用三錢，水一盞，煎至半盞，去渣溫服，不拘時。

按，此症先由外感風寒濕氣，閉其腠理，不能開通，致內出之氣，壅滯作熱。而風寒濕客于肌肉之間，被內熱所蒸，皆化為熱，猶未入里，故

以辛凉解散之。其实治热，非治风寒湿也。嘉言谓此方治伤寒阳痧，深得清解之法。

桂枝葛根汤 治柔痧有汗。

桂枝一钱 白芍钱半 葛根钱半 生姜三片
大红枣三枚 炙草一钱

水煎温服。仍欲微似有汗，庶风邪自出，而汗孔自闭。不可令其大汗，致伤营气。

海藏桂枝加川芎汤 治发热自汗柔痧，比前方药性微轻。

桂枝钱半 白芍二钱 防风 川芎 炙草
生姜各二钱 大红枣三枚

水煎热服。

按，此方不特治痧，凡小儿外感初起发热，不论有汗无汗，皆宜用之，效捷桴鼓。

海藏柴胡加防风汤 治汗后不解，乍静乍躁，目直视口噤，往来寒热。此症太阳阳明已罢，邪尚未解，传入少阳半表半里，故以小柴胡汤，加防风和解之，不使之入里也。

人参七分 柴胡 黄芩 半夏 防风各一钱
炙草五分 老姜三片 大红枣一枚

水煎热服。

海藏防风当归汤 治发汗过多，发热，头面

摇，卒口噤，背反张者，太阳兼阳明也。宜去风养血，速救阴营，以静胜躁也。

防风_{钱半} 当归 大生地_{各二钱} 川芎_{一钱}
水煎热服。

海藏附子散 治伤寒阴痉，手足厥冷，筋脉拘急，汗出不止，头摇口噤，颈项强直，此由汗多亡阳也。

肉桂 附子_{制，各七分} 白术_{钱半} 川芎_{一钱}
八分 大枣_{五枚}
水煎，温冷服。

或问：天钓、内钓、盘肠、痉病，症属何脏？何以辨之？曰：“《经》云：‘身半以上，天气主之；身半以下，地气主之。’故天钓在上为阳，生于风热，宜发之。内钓在下为阴，生于寒冷，宜温之。二钓皆足厥阴肝病也。足厥阴之脉，外则与督脉同行，循脊而上，入于头之项，所以病则目上翻，背后仰，如角弓之反张也；内则循阴器而入于小腹，所以病则小腹切痛，为囊肿也。‘诸风掉眩，皆属肝木’。故二钓皆有搐掣以①惊，但天钓或哭或笑，内钓则多啼为异耳。痉病属太

① 以：疑为“似”字之误。

阳膀胱经，上起于头，中行于背，下至于足，与厥阴之脉下行者同，所以角弓反张之证亦相似也。但天钓有搐掣，而痉病无搐掣也。盘肠痛属手太阳小肠经，内行于小腹，与厥阴之脉内行者同，所以小腹急痛也。但内钓有瘰疬，而盘肠痛无瘰疬，可辨也。”

客忤类搐

小儿客忤，有外因内因之别，幼科混论，今为揭明。其外因者，由儿真气不足，神气未充，故外邪客气得以乘之。《经》曰：“邪之所凑，其气必虚。”不治其虚，安问其余？忤者，谓外来人、畜之气，忤触其儿之正气也，或因生人远来，或因六畜暴至，或抱儿戏骑牛，或父母骑驴马远归，未及薰衣即抱其儿，则马汗不正之气从鼻而入。《经》曰：“五气入鼻，藏于心肺。”则正气受忤是也。其症口吐青黄白沫，水谷鲜杂，面色变异五色，喘急腹痛，反侧不安，手足瘰疬，状类惊痫，但目不上插，神不昏乱为异耳。治宜涂凶法、搐鼻法，内服摄生饮。

凡客忤，其脉弦急而数，当视其口中，悬痈

左右若有小小肿核，即以竹针刺溃之，或以爪摘破亦可。治以辟邪养正安神为急，上法治客忤、中恶，急作醋炭或焚降香、皂角等熏之，速服苏合香丸立苏。盖心藏神，神安则五脏和而愈也。

中人忤 取母衣带三寸，并发，合烧灰，和乳汁，服之效。又法，用外来生人囟上发十茎，断儿衣带少许，合烧灰，细末和乳，饮儿即愈。又法，取牛鼻津服之，或取牛口沫敷乳头饮之亦佳。

中马忤 取马尾烧烟，熏儿面，以醒为度。又方，取马口角沫涂儿口中效。

涂凶法名伏龙肝散 治客忤白虎诸证

灶心黄土一钱 明雄黄^①五分 真麝香五厘

共为细末，枣肉和匀，捏作一饼子，照凶门宽窄为样，贴凶门上，取艾绒作小炷灸三壮。又法，用淡豆豉数合，水拌令湿捣烂为丸，如鸡子大，以摩儿囟上及足心，各五六遍，毕以丸摩儿心及脐上下，行转摩之，食顷，破，视其中，当有

^① 明雄黄：原作“则雄黄”，原文朱笔改“则”为“明”，据之。

细毛，遂掷丸道中，病即止。

搐鼻法名救苦散 治伤风寒，头目不清，并治客忤。

川芎 藿香叶 藜芦各三钱 延胡索 丹皮 朱砂研，水飞，各二钱

共为末极细，以少许吹鼻中，得嚏则邪气出矣。

摄生饮 治一切卒中，大小科同。

南星泡 法夏 木香 北细辛 石菖蒲 苍术 炙草各一钱 生姜三片

上作一剂，水煎热服。

苏合香丸 治传尸骨蒸，殓殍症忤，鬼气，卒心痛，霍乱吐泻，时气鬼魅，瘴疟，疫痢，瘀血月闭，痲癖，疔肿，惊痲，鬼忤中人，并一切气暴之症，不省人事。以生姜自然汁化开，擦牙关，另煎姜汤调药灌下。

苏合香油入安息香膏内 龙脑另研 真麝香另研 薰陆香去油，另研。各一两 木香 丁香 白檀香 上沉香 安息香另为末，用无灰酒一升熬膏 香附子 白术 芫荽 乌犀屑 朱砂另研，水飞 诃黎勒煨，取皮，各二两

上为细末，用安息香油膏，并炼白蜜，和丸

芡实大，空心沸汤下。小儿一丸，大人四丸。酒下亦可。用蜡纸裹一丸如弹子大，绀绢袋盛，当心带之，一切邪神不敢近。去龙脑，名麝香苏合丸，治一切邪神及胃膈噎塞，肠中虚鸣，宿食不消，余证并同。一方无白术，诃黎勒用诃子肉二两。

至于内因客忤，为与儿嬉戏，卒以向所恐怖者摇其魂魄，或儿平日有亲昵玩弄诸凡喜欢物事，戏而夺之，口不能言，一时愿欲不得自遂，致令神志沮丧，睡卧昏默，寤不惺惺，不思乳食。凡若此者，宜先顺其心意，内服沉香安神丸并惺惺散。

沉香安神丸 治内因客忤。

人参 上沉香 炙草 朱砂水飞，各一钱
川连钱半 白术 广皮 枳壳 桔梗 青礞石
煨，各五钱

共为细末，蜜丸芡实大。每服一二丸，麦冬汤下。

惺惺散 治病时睡，不惺惺而喜睡者，此忤之微也。

人参 白术 茯苓 炙草 桔梗 天花粉
各等分 细辛减半

加薄荷三片，水煎服。得微汗妙。一方有防风、川芎。

一儿半岁余，忽惨然不乐，昏睡不乳。余曰：“形色无病，内伤外感之证俱无，此儿莫是有所思，思则伤脾，乃昏睡不乳也。”其父悟云：“渠原有小厮相伴，恐或为我遣彼他往，故尔神昏不食，今三日矣。”因急唤回，儿见之，嬉笑如常。又一周岁儿啼哭不止，余审视之非病也。其父母曰：“若无病何啼哭异常？”余乃问其乳母：“此儿向尝戏玩何物？”曰：“马鞭子”。命亟取与之。儿大笑击人，哭自此止。此即治内因客忤法也，但顺其心意，不待用药而病已去。有不效者，仍宜服前二方。

中恶类搐

中恶者，小儿之危症也，比之客忤为更甚，与尸厥相同，但腹不鸣，心腹俱暖为异耳。此亦有二证为幼科所未辨者：其一，中恶毒之气，病自外至。如老枢腐尸、淫祠古树、冷庙枯井、败屋阴沟，皆有恶毒之气存焉，小儿触之，从鼻而入，肺先受之，闭其清道，填塞胸

中，忽然而倒，四肢厥逆，两手握拳，上气喘急者是也。其一，中恶毒之物，病自内生。如菌蕈河豚、瘟牛疫马、自死六畜、并水鸡虾蚌之类，自口而入，肠胃受之，致令心腹刺痛，腹皮青黑，闷乱欲死者是也。二症俱宜霹雳散搐其鼻，令其喷嚏之后，毒气以出，然后用药。中毒气死者，宜返魂汤。中毒物死者，用雄黄解毒丸下去之。

中恶卒死，当视其上唇里弦有小核如黍米大，以针决去之。有儿忽大叫一声而闷绝者，亦中恶，例不治。

霹雳散 治中恶卒死，并一切卒暴之症。

猪牙皂三分 北细辛 川芎 白芷各五分
踯躅花 真麝香各半分 雄黄二分

上为细末，而每用少许，灯心三寸长，蘸药点鼻孔内，以得喷嚏为验。

返魂汤 治中恶毒之气卒死者，此汤主之，即仲景麻黄汤也。因其毒气闭塞肺窍，故以此开通之。

净麻黄去节，二钱 杏仁去皮尖，七粒 炙草一钱
葱白三寸

水一盞，煎半盞，分数次服。

雄黄解毒丸方见兼症·疮疡发搐 治中恶毒之物卒死者，宜此下之。

辟邪膏 通治中恶。

降香 白胶香 上沉香 虎头骨_{微炒} 鬼臼_{去毛} 龙胆草 茯苓 人参 雄黄_{另研，水飞，各五钱} 真麝香_{一钱}

上为细末，蜜丸芡实大，乳香汤化下。又令儿佩带及烧卧内尤妙。

葛氏肘后方 救卒死。或先病痛，或常居寢卧，奄忽而绝，皆是中恶，以此救之。

取葱黄心刺其鼻，男左女右，入六七分，小儿量度之。若使目中血出佳。扁鹊法同。

又方

以葱叶刺耳中，鼻中血出者莫怪。无血难治，有血是候。时当捧两手，忽放之，须臾死人自当举手捞人，言痛乃止。又男刺左鼻，女刺右鼻中，令入六七分，大效。小儿量度之。亦治自缢死，此与扁鹊方同。

又方

令二人以衣壅口，吹其两耳，竭则易人，互吹之，气通则治。

又方

以管吹下部，亦令数人互吹之，气通则活。
又方

以小便灌其面，数回即能语，此扁鹊法也。

白虎类搐

白虎者，流年白虎，及太岁前九位之神。儿触犯之则不清爽，两手轮物，目略直视，是其候也。但身不热，手足不掣耳。宜服苏合香丸，或至圣保命丹，俱用太阳真土（即伏龙肝，碎，煎汤送下），取龙虎相制之义，或用浴体法，更以杀鬼丸，房内烧之，使儿闻其烟。又取伏龙肝捣醋和丸，鸡子大，摩儿头及五心，佳。乡俗妇人，以鸡子一枚，遍身摩之，送埋粪地，亦攘法也。

杀鬼丸

雄雌黄各二两 牯羊角 虎头骨各一两 龙骨
鳖甲 川甲 猬皮各三两 樗鸡十五枚 川芎
白蒺藜 鬼臼 禹余粮 东门上雄鸡头一个

上为细末，以蜡二十两，为丸梧子大，门口房内烧之，男左女右。臂上带一丸，可辟百鬼。

浴体法 治客忤中恶白虎诸症,并宜浴之。

川芎 苍术 白芷 藁本 零陵香各等分

上用长流水煎,去渣,向无风处浴之,浴后令睡片时。

或问:“客忤、中恶、白虎三证,何气使然?”
曰:“皆客气也。客气,不正之气也。儿之主气强者,虽有客气,不能忤也。主气弱者,稍有所忤,即成病矣。客忤者,病之总名也,中恶则客忤之重者,白虎则客忤之轻者也。治法皆以辟邪养正安神和胃为主。苏合香丸,治三证之圣药也。”

虫痛类搐

虫痛乃蛔虫攻其心而痛也。发则目直视,口噤不语,或大叫哭,口中流沫涎水,面色或青或白,手足强直者是也。但目不斜,手不搐耳。宜木香化虫丸或雄黄解毒丸,苦楝根皮煎汤下。

木香化虫丸

槟榔一两 鹤虱 贯众 锡灰 干漆炒尽烟
使君子肉 木香各五钱 轻粉二钱 巴豆霜 白
雷丸各二钱半

上为细末，飞罗面糊为丸，麻子大。每服一二十丸，五更米饮下，或苦楝根白皮煎汤下。

马脾风类搐

马脾风者，肺胀也。忽然胸高端急，两胁扇动，鼻张闷乱，嗽咳声嘎，痰涎潮塞者是也。若不识证，不急救，死在旦夕。宜先用牛黄夺命散，下去积热，后以白虎汤平之。

牛黄夺命散

黑白牵牛各一两，半生半熟 川大黄 槟榔各一两

上为细末。三岁儿服二钱，白汤调下，或加蜜数匙亦可，以气平为度。涎多者，加轻粉少许。一方加木香，一方无槟榔用枳壳。

白虎汤

石膏 知母 甘草 粳米各等分

先煮石膏数十沸，再投药米，米熟汤成温服。

六、附 方

搐有真假门

泻青丸 治肝热急惊搐搦。

羌活 大黄包煨 川芎 山梔仁 胆草
当归 防风各等分

上炼蜜为丸，鸡头子大。每服半丸，竹叶汤
同砂糖温水化下。

搐有阴阳门

地黄丸

熟地黄八两 山茱萸酒润，四两 淮山药四两
茯苓乳拌 丹皮 泽泻各三两

上蜜丸，淡盐汤下。

泻青丸见上

导赤散

生地黄 木通 甘草梢 淡竹叶
等分，煎。

凉惊丸

黄柏 黄连 黄芩 山梔仁各等分 朱砂水

飞,减半

上为细末,腊雪水为丸,桐子大,薄荷汤送下。又方有龙胆草等分。

木通散 能泻肝风,降心火,最利惊热。

山梔仁 大黄煨 羌活 木通 赤苓 甘草①

上各等分。为末,每服一字,紫苏煎汤送下。

又方无羌活,加生地、篇蓄、滑石、车前、黄芩、瞿麦、灯心。

钱氏异功散

人参 白术 茯苓 甘草 广皮

加姜枣煎,食前温服。

小阿胶散 治风热涎潮,喘促,搐掣,窜视。

真阿胶炒,二钱半 紫苏一钱

为末。每服一钱,入乌梅肉少许同煎,灌下神效。热出于肺,热则生风,阿胶清肺行小便故也。肺风用之,尤效。

① 甘草:原作“草”,据文义补。

治有次第门

当归龙荟丸

当归酒洗，晒干，一钱 人参一钱 川芎钱半

胆草酒浸 山梔仁各五分 青皮 芦荟各七分 甘草 柴胡各一钱 半夏一钱

生姜自然汁浸一时，又以白矾水洗之，用水煮神曲调丸粟米大，二十五丸，寅卯时淡竹汤下。

导赤散见上

抱龙丸 治婴儿诸惊，四时瘟疫。邪热致烦躁不宁，痰嗽气急，搐发等症，并宜投服。其药温平，不僭不燥，常服驱风化痰，镇心解热，和脾胃，益精神。

琥珀 人参去芦 天竺黄 檀香 白茯苓各七钱 炙草一两五钱 枳壳麸炒，五钱 枳实麸炒，五钱 辰砂水飞，二两 怀药半斤，炒 胆星炒，五钱

上为末，蜜丸芡实大，金箔五十片，每服一丸，薄荷汤下。

调元汤 补脾胃，扶元气之圣方；益脾土，泻火邪之要药。

黄芪蜜炙 人参各等分 炙草减半
水煎,服无时。

参苓白术散 治脾胃虚弱,饮食不消,或吐或泻。

人参 茯苓土炒 白术 甘草炙 山药炒
扁豆炒 薏仁炒 莲肉去心,炒 陈皮 砂仁
桔梗

为末。每服三钱,枣汤或米饮调服。

琥珀抱龙丸 治小儿诸惊风,四时感冒,寒温风暑,瘟疫邪热,烦躁不宁,痰嗽气急,及疮疹欲出,发搐并宜服之。

真琥珀 天竺黄 白檀香 人参 茯苓各
一两半 粉草去筋,三两 枳实 枳壳麸炒,各一两
朱砂五两 牛胆南星一两 淮山药一两 金箔大
者,一百片为衣

上各制取末和匀,用腊雪溶水,如无雪,取新汲或长流水,杵为丸,如芡实大,阴干。每服一丸,薄荷汤送下。

嚏惊散

半夏一钱 猪牙皂角半钱

上为末,用一豆许,用管子吹入鼻,立醒。

霹雳散见中恶类搐门

开关散 治小儿惊风搐搦，关窍不通。

南星炮 僵虫炒，各一钱 原麝一字 牙皂二钱 赤脚蜈蚣炙，一条

上为末，以手点姜汁蘸药少许擦牙，或用滴入药二三点，涎自出，口自开。皂角略烧，存性为末。

搐有顺逆门

顺搐散 解男右女左，搐不顺者。

枳壳制 钩藤去钩 荆芥 羌活 防风去芦 甘草各半两

为末，每服二钱，加姜汁水煎。

附：当归龙荟丸 治肝胆风热。

当归 龙胆草 柴胡各一两 青黛 陈胆星 大黄 芦荟各五钱 麝香五分 栀子 酒黄芩 酒黄连 黄柏各一两 广木香二钱五分

上为末，炼蜜丸，小豆大。每服一二十丸，淡姜汤送下。

急 惊 门

泻青丸见搐有真假门

导赤散见上

慢 惊 门

调元汤见治有次第门

六神散

人参 白术 怀药 茯苓 白扁豆 甘草
灸。各等分

水煎五分，服此药用处甚多，治胃冷加附子，风疔加天麻，痢加罌粟壳。

又方

当归 白芍 人参各二钱半 甘草 桔梗
陈皮各一钱

为末，每二三钱，水煎服之无时。

四君子汤

人参 白术土炒 茯苓 甘草 姜三片 枣
三枚

水煎服。

五味异功散 即四君子加广皮。

五福饮 凡五脏气血亏损,此能兼治之,足称王道之最。

人参 熟地黄 当归 白术 炙草

水二钟,煎七分,食远温服。或加生姜三五片。凡治气血俱虚等症,以此为主。或宜温者加附,宜散者加升麻、柴、葛,左右逢源,无不利也。

理中汤

白术陈壁泥炒,二两 人参 干姜炮 甘草炙,一两

水煎服。

六君子汤

人参 白术 茯苓 广皮 半夏 甘草

理阴煎 治真阴虚弱,胀满呕哕,痰饮恶心,吐泻腹痛等症。

熟地五六钱 当归二三钱 炙草一钱 干姜三钱

或加肉桂。水二钟,煎七八分,热服。

附子理阴煎 即理阴煎加附子。

六味回阳饮 治阴阳将脱等症。

人参一二两 制附子二三钱 炮姜二三钱 炙

草一钱 熟地五钱或一两 当归身三钱

如泄泻者或血动者，以冬术易之，多多益善。水两钟，武火煎七分，温服。如内振汗多者，加炙黄芪或冬白术；如泄泻者，加乌梅或北五味亦可；如虚阳上浮者，加茯苓；如肝经郁滞者，加肉桂。

四味回阳饮 治元阳虚脱，危在顷刻者。

人参一二两 制附子二三钱 炮姜二三钱 炙草一钱

上水二钟，武火煎，七八分，温服，徐徐饮之。

胃关煎 治脾胃虚寒作泻，或甚至久泻，腹痛不止，冷痢等症。

熟地五六分 淮药炒，三钱 白扁豆炒，二钱
炙草一钱 干姜二三钱 吴茱萸制，五六分 白术炒，二三钱

上水二钟，煎七分，食远温服。如泻甚者，加炒肉豆蔻或破故纸；气虚者，加人参；阳虚下脱不固者，加制附子；腹痛甚者，加木香或厚朴；滞痛不通者，加当归；滑脱不禁者，加乌梅或北五味；肝邪侮脾者，加肉桂。

月内发搐门

至圣保命丹

胆星二钱 僵蚕一钱 白附子一钱 全蝎十四
只 天麻一钱 防风一钱 辰砂水飞,钱半 麝香一
字 珍珠五分 琥珀三分 金箔二十张

上为碾末,粟米和为丸,分为二十锭,金箔为衣。每一锭,薄荷煎汤磨服。一方有蝉蜕一钱,使君肉钱半。

东垣安神丸

黄连酒炒,六钱 当归二钱半 生地黄钱半
甘草五钱半 明朱砂五钱,水飞为末

上为末,蒸饼丸黍米大,朱砂为衣。每服十丸至三十丸,温水送下。

变蒸发搐门

导赤散急惊门

泻青丸同上

闻非常之声惊恐发搐门

黄连安神丸

川连 当归 龙胆草各二钱 石菖蒲 茯
神各一钱 全虫五只

上为末，蒸饼捣猪心血，丸如粟大，辰砂为衣。每服十丸，灯心汤下。

理痰丸 俟考

外感发搐门

导赤散 急惊门

泻青丸 同上

抱龙丸

白附子一两，水泡洗 胆星一两，去皮用者炒 羌
活一两 薄荷一两，晒燥 僵蚕一两，水洗去石灰 前
胡一两 天麻一两，湿粗纸包煨 橘红二两 天竺黄
一两 青皮一两，醋炒 全蝎一两，糯米同炒 天花粉
四两 黄芩一两，生用 黄连一两，生用

上为末，炼蜜为丸，辰砂为衣，每丸重五分。
灯心汤磨化下。

保命丹俟考

大青膏俟考 治伤风痰热发搐。

天麻 青黛各一两 白附子煨 乌蛇酒浸，取
肉焙 蝎尾各五分 天竺黄 麝香各一字

上为末，生蜜丸如豆大。每服用半粒，薄荷
汤化下。

小续命汤

防风一钱二分 桂枝 麻黄 杏仁去皮尖，炒
研 川芎酒洗 白芍酒炒 人参 炙草 黄芩酒
炒 防己八分 附子四分

每服三钱，加姜枣煎。筋急语迟脉弦者，倍
人参，加薏仁、当归，去芍药以避中寒。烦躁不
大便，去桂、附，倍芍药，加竹沥。日久不大便，
胸中不快，加大黄、枳壳。脏寒下痢去黄芩、防
己，倍附子，加白术。呕逆，加半夏。语言蹇涩，
手足战掉，加石菖蒲、竹沥。身痛发搐，加羌活。
口渴加麦冬、花粉。烦渴，多惊，加犀角、羚羊。
汗多，去麻黄、杏仁，加白术。舌燥，去桂、附，加
石膏。

内伤发搐门

五色丸

黄芩二钱 大黄二钱 黄连二钱

共为末，分作五份，滴水为丸。一份青黛为衣，名青丸子；一份朱砂为衣，名红丸子；一份轻粉为衣，名白丸子；一份皂角烧灰存焮，研末为衣，名黑丸子；一份雄黄为衣，名黄丸子。

辰砂五苓散

猪苓 泽泻 赤苓 白术 官桂 灯心引
水煎，调辰砂末服之。

抱龙丸见外感发搐

安神丸

川连 当归 麦冬 茯苓 甘草各五钱

辰砂一两 冰片二分半

为末，蒸饼和猪心血，捣匀，为丸米粟大。每服十丸。又方去辰砂、冰片、甘草，加菖蒲、远志、山栀。

白饼子 治小儿腹中有癖。

滑石 轻粉 制半夏 南星各一钱，为末

巴豆二十四粒，去皮膜，水二升，煮水尽为度

上，巴豆研细，后入众药，研匀^①，以糯米饭为丸，如小绿豆大，捻作饼子。三岁以上一二饼，四岁以下三四饼，临卧葱白汤下。

调中丸 治脾胃虚寒。

白术 人参 甘草炙，各五分

泻青丸 见急惊

异功散 见慢惊

琥珀抱龙丸 见治有次第

胆导法

猪胆一枚

取汁入醋少许，用竹管长二三寸，以一半纳谷道中，将胆汁灌入肛中，顷当大便。

中暑发搐门

黄连香茹饮 治中暑热盛，口渴，心烦，吐泻等症。

香茹一钱 厚朴姜汁炒，五分 黄连姜炒，三分

^① 巴豆研细，后入众药，研匀：原作“右研匀，巴豆后入众药”，制法错乱，据《小儿药证直诀》的“白饼子”文义改。

水煎，冷服。

辰砂益元散

滑石六两 甘草一两 辰砂少许
为末，灯心汤下。

吐泻发搐门

参苓白术散见治有次第

调元汤同上

四君子汤见慢惊

五味异功散同上

六君子汤同上

理中汤同上

辰砂益元散见中暑发搐

黄连香茹饮同上

小建中汤 治脾胃中气虚损。

白芍药酒炒 炙甘草各等分 肉桂减半

上锉为末，加姜枣水煎成剂，去渣滓，入白
饴一匙，再煎一沸，温服。

痢疾发搐门

泻青丸见急惊

调元汤见慢惊

小柴胡汤

柴胡 半夏 人参 甘草 黄芩

加生姜、大枣，煎服。

疟疾发搐门

小柴胡汤见上

白虎汤

石膏 知母 甘草 粳米

先煮石膏数十沸，再投药米，米熟汤成，温服。

平胃散

苍术二钱 厚朴姜炒，一钱 橘红 甘草炙。

各一钱

加姜枣煎。

养脾丸

苍术制，五钱 厚朴三钱 陈皮五钱 砂仁二

钱 草果仁二钱 神曲炒,三钱 益智仁二钱 茯苓二钱 麦芽炒,三钱

共为末,酒糊丸,如粟大,米饮下。

清脾饮

青皮一钱 厚朴醋炒,一钱 柴胡一钱 黄芩炒,一钱 半夏姜制,一钱 茯苓一钱 白术土炒,一钱 甘草炙,五分 草果五分

加姜煎。一方加槟榔。大渴加麦冬、知母,症不止加酒炒常山一钱、乌梅二个。

疫病发搐门

太极丸

天竺黄五钱 胆南星五钱 酒大黄二钱 直僵蚕三钱 真麝香一分 梅花片二分

共为细末,端午日午时修合,炼蜜为丸,如芡实大,朱砂为衣。凡遇疫症,姜汤化服一丸,神效。

咳嗽发搐门

丹溪薄荷汤

薄荷叶 羌活 全蝎去毒 麻黄 甘草炒
僵蚕炒 天竺黄 白附子

薄荷汤调下一匙，略煎数沸，入竹沥少许服。

葶苈丸 治乳食冲脾，伤风咳嗽，面赤身热，痰甚喘促者。

甜葶苈去土，隔纸略炒 黑牵牛炒 杏仁去皮尖，炒黄。双仁者杀人 汉防己各等分

为末，取杏泥，取蒸陈枣肉和捣为丸，如麻子大。每服五丸，淡生姜汤下，乳食或临卧服。量儿大小加减，如不因乳食所伤，并怯弱者，去牵牛，加苏子。一方去牵牛、防己，加苏子、橘红，枣肉为丸。

小阿胶散见搐有阴阳

阿胶散

阿胶两半，蛤粉炒 大力子二钱五分 马兜铃半两
甘草减半 杏仁七粒，去皮尖 粳米一撮

为末，量儿加减，煎服。

泻青丸见急惊

丹溪镇惊丸

琥珀 辰砂 真珠母 青皮 甘草各二钱半
青黛 芦荟 柴胡 青礞石硝煨。各半两 天竺

黄胆星各二两 天麻 乳香各一两 雄黄一钱半
 上为末，甘草膏丸如鸡头大。慢惊，参术汤下；急惊，薄荷僵蚕汤下。

人参荆芥散 治身热痰嗽。

人参五钱 荆芥穗一两 大黄二钱
 为细末，水煎调服，每服一二钱。

金粟丹 开关通窍，下气利痰。

九制牛胆南星二两 明天麻一两，姜汁炒 节
 白附一两，土炒 净全蝎陈，去尾足，以滚汤泡尽，去其盐
 泥，晒干，一两，炒 明乳香去油尽，二两 代赭石火煨
 红，以好醋淬之，煨七次，焯七次，研细末，以水飞，晒干，一两
 直僵蚕炒去丝，一两 赤金箔五十张 真麝香二分
 梅花片三分

上为细末，炼蜜为丸，皂角子大，贴以金箔。
 每用一丸，姜汤化服。

幼
科
惊
搐
门

丹毒发搐门

防风升麻汤

防风 升麻 山梔去壳 麦冬去心 木通
 甘草节各一钱

上咬咀，用淡竹叶三片煎，食远服。

大连翘饮

连翘 瞿麦 滑石 车前子 大力子炒
 赤芍各一钱 木通 梔子 当归 防风各五钱
 黄芩钱半 柴胡 甘草炙。各五分 荆芥穗一钱
 蝉蜕一钱

上为细末，再加大黄、灯心，水煎。

沆瀣丹

川芎九钱，酒炒 锦庄黄九钱，酒蒸 黄芩九钱，
 酒炒 黄柏九钱，酒炒 黑牵牛炒，去头末，六钱 薄
 荷叶四钱五分 滑石水飞，六钱 槟榔六钱五分，童便洗
 晒 陈枳壳面炒，四五钱 连翘除心、隔，取净，六钱
 赤芍炒，六钱

上十味，依方炮制，和匀，焙燥，研细末，炼蜜为丸，如芡实大。月内之儿，每服一丸，稍大者一二丸，茶汤化服。

砭针法

用瓷瓦片打成尖峰，以筷子夹定扎住，连刺令出恶血。

痘疹发搐门

导赤散见急惊

钱氏凉惊丸

龙胆草 防风 青黛各三钱 钩藤二钱 黄连五钱 牛黄 麝香 龙脑各一字

上面糊为丸，粟米大。每服三五丸，金银汤下。

麻疹发搐门

当归养营汤

当归 川芎 生地黄 麦冬 栀子仁 木通 甘草 淡竹叶 灯心
便秘加大黄。水煎。

搐久舌黑门

凉惊丸见痘疹

搐久便秘门

八正散

大黄 瞿麦 木通 滑石 扁豆 车前子 山栀仁 甘草梢

各等分。咬咀，入灯心煎服。

胆导法内伤饮食

搐后睡眠不醒门

安神丸

黄连去毛，二钱 石菖蒲一钱 远志去心，二钱

归身二钱 麦冬去心，二钱 茯苓二钱 山栀子二钱

上共为末，蜜丸。

搐后自动咬牙门

泻青丸见急惊

地黄丸见慢惊

五味异功散慢惊

柴胡清肝散

柴胡钱半 黄芩炒 人参 川芎各一钱 山

梔炒，一钱半 连翘 甘草各五分 桔梗八分

水煎服。

补中益气汤

黄芪炙，钱半 人参 甘草炙，一钱 白术土炒

广皮 当归五分 升麻三分 柴胡三分

加姜三片，枣二枚，煎。

泻黄散

防风四两 藿香七钱 山梔炒黑，一两 石膏
一钱 甘草二两

为末，微炒香，水煎温服。

搐后唇内生疮门

洗心散

生甘草 当归 麻黄 芍药 白术 荆芥
大黄煨，各半分

上为极细末，用生姜、薄荷煎汤调化，食远服。

搐后余热门

凉惊丸 搐有阴阳

小柴胡汤

柴胡 半夏 人参 甘草 黄芩
加姜枣，煎服。

搐后喘咳门

阿胶散见咳嗽发搐

搐后心神不宁门

参苓白术散见治有次第

定志丸

琥珀 茯神 远志姜制,焙 人参 白附子
炮 天麻 天冬去心 炙草 净枣仁炒

上为末,炼蜜丸皂子大,朱砂为衣。每服一丸,灯心薄荷汤调下。御院有乳香。

痉瘥类搐门

天保采薇汤

茯苓 独活 羌活 枳壳 桔梗 柴胡
前胡 薄荷 苍术 升麻 干葛 广皮 厚朴
川芎 半夏 藿香 白芍 甘草